



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

PROT. N.2378

ORDINÀNTZIA N.5 DE SU 5 DE MARTZU DE SU 2021

Ogetu: **Ulteriores measuras istraordinàrias urgentes de cuntrastu e preventzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege 23 de nadale de su 1978, n.833 in matèria de igiene e sanidade pùblica.**

SU PRESIDENTE

- BIDU s'art.32 de sa Costituzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale 7 de ghenàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege 23 de nadale de su 1978, n.833 "*Istituzione de su servìtziu sanitàriu natzionale*" e in particolare s'art.32 chi disponet "*su Ministru de sa sanidade podet emitere ordinàntzias de caràtere contingibile e urgente, in matèria de igiene e sanidade pùblica e de politzia veterinària, cun eficàtzia istèrrida a totu su territòriu natzionale o a parte de issu chi cumprendet prus regiones*", e puru "*in sas matèssis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia istèrrida a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDA sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevantzia internatzionale;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- BIDA sa delibera de su Consìgiu de sos Ministros de su 31 de ghenàrgiu de su 2020 cun sa cale est istadu declaradu s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae agentes virales trasmissibiles, finas a su 31 de triulas de su 2020, prorogadu a su 15 de santugaine de su 2020, a su 31 de ghenàrgiu de su 2021 e, in fines, a su 30 de abriale de su 2021;
- BIDA s'ordinàntzia de su Capu de su Dipartimentu de sa protetzione tzivile n.630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relazione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissibiles*";
- BIDU su decretu-lege 23 de freàrgiu de su 2020, n.6 chi cuntenit "*Mesuras urgentes in matèria de cuntenimentu e gestione de s'emergèntzia epidemiològica dae COVID-19*", mudadu, cun modificatziones, in sa lege 5 de martzu de su 2020, n.13, a pustis abrogadu dae su decretu-lege n.19 de su 2020 francu s'art.3, comma 6-bis, e s'art.4;
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat s u Presidente de sa Regione Sardinia, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu lege 17 de martzu de su 2020, n.18, chi cuntenit "*Mesuras de afortigamentu de su servitziu sanitàriu natzionale e de sustennu econòmicu pro familias, traballadores e impresas connessas a s'emergèntzia epidemiològica dae COVID-19*"; mudadu, cun modificas, cun sa lege 24 de abriale de su 2020, n.27;
- BIDU su decretu lege 25 de martzu de su 2020, n.19, chi cuntenit "*Mesuras urgentes pro fàghere fronte a s'emergèntzia epidemiològica dae COVID-19*", mudadu, cun modificas, dae sa lege 22 de maju de su 2020, n.35 e a manera ulteriore modificadu dae su D.L. n.83/2020, in particolare sos articulos 1 e 2, comma 1;
- BIDU su decretu lege 16 de maju de su 2020, n.33 chi cuntenit "*Ulteriores mesuras urgentes pro fàghere fronte a s'emergèntzia epidemiològica dae COVID-19*" e publicadu in sa Gazzetta Ufficiale n.125 de su 16 de maju de su 2020, mudadu, cun modificas, cun sa lege 14 de triulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege 19 de maju de su 2020, n.34 "*Mesuras urgentes in matèria de salute, sustennu a su traballu e a s'economia, e puru de politicas sotziales connessas a s'emergèntzia epidemiològica dae COVID-19*", mudadu, cun modificas, cun sa lege 17 de triulas de su 2020, n.77;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- BIDOS sos decretos de su Presidente de su Consìgiu de s'11 de làmpadas de su 2020, de su 14 de trìulas de su 2020 e de su 7 de austu e sos allegados relativos;
- BIDAS sas ordinàntzias de su Ministru de sa Salude de su 30 de làmpadas de su 2020, de su 9 de trìulas de su 2020, de su 16 de trìulas de su 2020, de su 24 de trìulas de su 2020, de su 30 de trìulas de su 2020, de su 1 de austu de su 2020, de su 12 de austu de su 2020 e de su 16 de austu de su 2020;
- BIDU su decretu lege 30 de trìulas de su 2020, n.83 "Mesuras urgentes connessas cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghennàrgiu de su 2020";
- BIDU su decretu lege 14 de austu de su 2020, n.104 "Mesuras urgentes pro su sustennu e su rilàntziu de s'economia";
- BIDU su decretu de su Presidente de su Consìgiu de sos Ministros de su 7 de cabudanni de su 2020 e allegados relativos;
- BIDU su decretu-lege 7 de santugaine de su 2020, n.125, chi cuntenit "Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighida operativa de su sistema de allerta COVID, e puru pro s'atuatzione de sa direttiva (UE) 2020/739 de su 3 de làmpadas de su 2020", mudadu cun modificatziones dae sa Lege 27 de santandria de su 2020, n.159;
- BIDU su decretu-lege 28 de santugaine de su 2020, n.137, chi cuntenit: "Ulteriores mesuras urgentes in matèria de tutela de sa salute, sustennu a sos traballadores e a sas impresas, giustitzia e siguresa, connessas a s'emergèntzia epidemiològica dae Covid-19", mudadu cun modificatziones dae sa Lege 18 de nadale de su 2020, n.176;
- BIDU su decretu-lege 18 de nadale de su 2020, n.172, chi cuntenit: "Ulteriores dispositziones urgentes pro fàghere fronte a sos arriscos sanitàrios connessos a s'isparghidura de su virus COVID-19", mudadu cun modificatziones dae sa Lege 29 de ghennàrgiu de su 2021, n.6;
- BIDU su decretu-lege 5 de ghennàrgiu de su 2021, n.1, chi cuntenit: "Ulteriores dispositziones urgentes in matèria de cuntenimentu e gestione de s'emergèntzia epidemiològica dae COVID-19";
- BIDU su decretu-lege 14 de ghennàrgiu de su 2021, n.2, chi cuntenit: "Ulteriores dispositziones urgentes in matèria de cuntenimentu e preventzione de s'emergèntzia epidemiològica dae COVID-19 e de acumprimentu de sas eletziones pro s'annu 2021";
- BIDU su decretu-lege 12 de freàrgiu de su 2021, n.12, chi cuntenit: "Ulteriores dispositziones urgentes in matèria de cuntenimentu de s'emergèntzia epidemiològica dae COVID-19";
- BIDU su decretu-lege 23 de freàrgiu de su 2021 n.15, chi cuntenit: "Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiològica dae COVID-19.";



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- BIDU su documentu chi cuntenit "Prevenzione e risposta a COVID-19: evoluzione de s'istategia e pianificatzione in sa fase de transizione pro su perìodu atòngiu- ijerrale" predispostu dae su Ministèriu de sa Salute, dae s'Istitutu Superiore de Sanidade, dae su Coordinamentu de sas Regiones e Provìntzias Autònomas chi frunit elementos generales pro afortiare sa *preparedness* pro fàghere fronte a sas infetzones in s'istajone atòngiu-ijerru 2020-2021 (prot. 7474 de su 12 de santugaine de su 2020 Cunferèntzia de sas Regiones e de sas Provìntzias autònomas);
- BIDU su decretu de su Presidente de su Consìgiu de sos Ministros 14 de ghenàrgiu de su 2021, chi cuntenit: "Ulteriores dispositziones atuativas de su decretu-lege 25 de martzu de su 2020, n.19", mudadu, cun modificatziones, in sa lege 22 de maju de su 2020, n.35, chi cuntenit "Mesuras urgentes pro fàghere fronte a s'emergèntzia epidemiològica dae COVID-19", de su decretu-lege 16 de maju de su 2020, n.33, mudadu, cun modificatziones, in sa lege 14 de trìulas de su 2020, n.74, chi cuntenit "Ulteriores mesuras urgentes pro fàghere fronte a s'emergèntzia epidemiològica dae COVID-19", e de su decretu-lege 14 de ghenàrgiu de su 2021 n.2, chi cuntenit "Ulteriores dispositziones urgentes in matèria de cuntenimentu e prevenzione de s'emergèntzia epidemiològica dae COVID-19 e de acumprimentu de sas eletziones pro s'annu 2021";
- BIDU su decretu de su Presidente de su Consìgiu de sos Ministros 2 de martzu de su 2021, chi cuntenit: "*Ulteriores dispositziones atuativas de su decretu-lege 25 de martzu de su 2020, n.19*", mudadu, cun modificatziones, dae sa lege 22 de maju de su 2020, n.35, chi cuntenit "Mesuras urgentes pro fàghere fronte a s'emergèntzia epidemiològica dae COVID-19", de su decretu-lege 16 de maju de su 2020, n.33, mudadu, cun modificatziones, dae sa lege 14 de trìulas de su 2020, n.74, chi cuntenit "Ulteriores mesuras urgentes pro fàghere fronte a s'emergèntzia epidemiològica dae COVID-19", e de su decretu-lege 23 de freàrgiu de su 2021, n.15, chi cuntenit "Ulteriores dispositziones urgentes in matèria de ispostamentos in su territòriu natzionale pro su cuntenimentu de s'emergèntzia epidemiològica dae COVID-19";
- TORRADAS A CRAMARE sas Ordinàntzias pròpias pretzedentes emìtidas in cunforma a s'articulu 32, de sa lege 23 de nadale de su 1978, n.833 in tema de mesuras pro sa gestione de s'emergèntzia sanitària ligada a s'isparghidura de sa sindrome dae COVID-19;
- CUNSIDERADU s'isvilupu de sa situatzione epidemiològica, su caràtere a manera particolare difusivu de s'epidemia e sa crèschida de sos casos in su territòriu natzionale;
- BIDA sa tzirculare de su Ministèriu de sa Salute n.3787 de su 31 de ghenàrgiu de su 2021, chi at comente ogetu "Aggiornamentu subra de s'isparghidura a livellu globale de sas variantes noas SARSCoV-2, valutatzione de s'arriscu e mesuras de controllu";
- BIDA s'ordinàntzia de su Ministru de sa Salute in data 27 de freàrgiu de su 2021, e in particolare s'art.1, pro su cale "in cunforma a s'articulu 1, commas 16 sexies e 16 septies de su decretu lege 16 de maju de su 2020, n.33, a decùrrere dae su



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

1° de martzu de su 2021 a sa Regione Sardinia si àplicant sas mesuras de sas cales in sa g.n. “zona bianca”, comente determinadas dae su decretu de su Presidente de su Consighiu de sos Ministros 14 de ghenàrgiu de su 2021 e decretos imbenientes adotados in cunforma a s’art.2, comma 1, de su decretu lege 25 de martzu de su 2020, n.19”;

CUNSIDERADU chi segundu s’ordinàntzia tzitada “pro compidare sos efetos de su rilàsciu de sas mesuras anticontàgiu in sa Regione Sardinia, est istituidu unu tàulu tènicu istituzionale cumpostu dae sos rapresentantes de su Ministèriu de sa Salute, de s’Istitutu Superiore de sa Sanidade e de sa Regione Sardinia”;

CUNSIDERADU chi, mancarì sas mesuras finas a como adotadas epant permitidu unu controllu eficatze de s’infetzione, s’esàmene de sos datos epidemiològicos dimustrat chi sighit a livellu natzionale una trasmissione difusa de su virus e pro cussu devet èssere assumta ogni misura netzessària de preventzione e controllu;

CUNSIDERADU chi sa Regione Autònoma de sa Sardinia, pro cuntènnere sa tzirculazione de su virus, at aviadu su screening de massa in su matessi tempus a sa campagna vatzinale;

APRETZIADU de dèvere adotare ogni misura ùtile pro evitare chi s’acumprimentu de sa campagna vatzinale potzat èssere dannizadu dae sa crèschida eventuale de sos contàgios;

APRETZIADU pro cussu, oportunu definire mesuras ispetzificas de restritziones pro sas 15 dies imbenientes durante sas cales s’at a protzèdere a sa compidada costante de s’isvilupu epidemiològicu, avalende si de sas detzisiones chi ant a èssere adotadas dae su tàulu tènicu istituzionale cumpostu dae sos rapresentantes de su Ministèriu de sa Salute, de s’Istitutu Superiore de sanidade e de sa Regione Autònoma de sa Sardinia;

APRETZIADU chi sas situatziones finas a inoghe espostas integrent sas cunditziones de etzetzionalidade e netzessidade urgente de tutela de sa salute pùblica, indiritzadas a cuntrastare e cuntènnere s’isparghidura de su virus;

CUNSIDERADU chi sas dimensiones subranatzionales de su fenòmenu epidèmicu e s’interessamentu de prus àmbitos in su territòriu natzionale faghent netzessàrias mesuras indiritzadas a garantire s’atuatzione de sos programmas de profilassi elaborados in sede internatzionale e europea, graduende sas mesuras segundu s’ispetzifitzidade de su cuntestu territoriale interessadu, cunforma a sos printzìpios de sensu, proportzionalidade e adequatesa a s’arriscu presente de a beru in su territòriu regionale;

CUNSIDERADU chi s’art.57, comma 4 de su DPCM 2 de martzu de su 2021, istabilit chi “sas dispositziones de su decretu presente si àplicant a sas Regiones a istatutu ispetziale e a sas Provintzias autònomas de Trento e de Bolzano a manera compatibile cun sos Istatutos rispetivos e sas normas de atuatzione relativas”;

DADU ATU de sas potestades primàrgias atribuidas a sa cumpetèntzia regionale dae sa Lege Costituzionale 26 de freàrgiu de su 1948, n.3;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

- ATESU chi est in sas cumpetèntzias primàrgias de sa Regione Autònoma de sa Sardigna riferidas a sas matèrias torradas a pònnera a sa potestade legislativa e amministrativa pròpia e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale, apretziare e valutare sos interventos netzessàrios pro sa tutela de sa salute pùblica;
- TORRADU A CRAMARE s'articulu 2, comma 1, litera a), de su decretu lege 7 de santugaine de su 2020, n.125, mudadu cun modificatziones dae sa lege 27 de santandria de su 2020, n.159, segundu su cale *“pro garantire s’acumprimentu in cunditziones de siguresa de sas atividades econòmicas, produtivas e sotziales, sas regiones còmpidant cun cadèntzia fitiana s’andamentu de sa situatzione epidemiològica in sos territòrios pròpios e, in relatzione a tale andamentu, sas cunditziones de adequatesa de su sistema sanitàriu regionale. Sa Regione, informende in su matessi tempes su Ministru de sa Salute, podet introduire mesuras derogatòrias restritivas cunforma a cussas dispositas in cunforma a s’articulu 2 matessi, ossiat, ebbia in sos casos e cunforma a sos critèrios prevididos dae sos decretos tzitados e de acordu cun su Ministru de sa Salute, puru ampliativas”*;
- APRETZIADU de dèvere providire unu sistema de cuntenimentu idòneu de sa tziurculatzione de su virus, a salvaguardia de sa salute de sos tzitadinos sardos, chi interesset sena peruna distintzione totu sos biagiadores chi benint dae s’èsteru e dae su restu de su territòriu natzionale, in ue sa tziurculatzione de su virus est galu importante a manera particolare e, segundu sas ùrtimas rilevatziones, in crèschida costante;
- VALUTADU indispensàbile, in funtzione de cuntrastu a su covid-19, dispònnera in sos cunfrontos de totu sos passigeris chi cherent intrare in su territòriu regionale ulteriores mesuras de preventzione galu prus de restritzione;
- VALUTADU chi in resone de sa cundizione insulare de sa Sardigna, de sa cunsighente cantidade limitada de puntos de atzessu e de su dimensionamentu de su servitziu sanitàriu regionale, chi – pro cantu afortigadu meda de a beru in sas istruturas e in sos repartos pro su prus dedicados a sa cura de sas patologias dae Covid- 19 – non diat a pòdere fàghere fronte a sa ripresa de s’isparghidura virale cun nùmeros a manera esponenziale superiores a sa capatzidade pròpia de erogatzione de prestatziones, aparet semper e cando netzessàriu unu sistema de controllos preventivu afortiadu pro sos arrivos pro colare galu de prus sa possibilitade de una tziurculatzione virale noa;
- APRETZIADU de dèvere adotare, cun ordinàntzia pròpia, sas mesuras netzessàrias de cautela indiritzadas a cuntènnere s’espositzione a s’arriscu de isparghidura epidemiològica de su virus Sars- CoV-2 e de sas variantes suas, cunsighente a sa regulamentatzione mudada de sa tziurculatzione de sas pessones dae/pro sa Sardigna, a pustis de s’abertura sena limites a su passàgiu natzionale e internatzionale, cun s’intrada sena controllu de unu muntone de presèntzias in su territòriu regionale;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

APRETZIADU indispensàbile, puru pro àere una compidada puntuale de sos logos de presèntzia prus manna de arrios pro afortigare a manera cunsighente sa rete territoriale de assistèntzia e sas USCA in funtzione de cuntrastu a su COVID-19, cunfirmare sa registratzione de sos passigeris in intrada in Sardigna, finas a sa declaratzione de congruida de s'istadu de emergèntzia, pro mèdiu de sa piataforma informàtica Sardegna Sicura, segundu sas modalidades chi si podent agatare in su situ istituzionale www.regione.sardegna.it e in sos printzipales *app-store* pro sistemas operativos iOS e Android;

APRETZIADU de adeguare a sas ulteriores cunditziones epidemiològicas locales mudadas, sas mesuras istraordinàrias a tutela de sa salute de sos tzitadinos sardos pro sa preventzione e su cuntenimentu de s'isparghidura in su territòriu de sa Regione Sardigna de su COVID- 19, in cunforma a s'art.32 de sa lege 23 de nadale de su 1978, n.833 in matèria de igiene e sanidade;

ÒRDINAT

ART.1) Totu sos sugetos chi ant intenzione de si imbarcare in lìneas aèreas o maritimas deretas in Sardegna, sunt obligados a si registrare prima de s'imbarcu atzedende a sa setzione "Nuovo Coronavirus" in sa pàgina printzipale, *home page*, de su situ istituzionale de sa Regione Sardigna (www.regione.sardegna.it) o pro mèdiu de s'aplicatzione "Sardegna Sicura" chi si podet iscarrigare dae sos *app-store* pro sistemas operativos iOS e Android.

Ogni passigeri at a dèvere presentare còpia de sa retzida de registratzione avènnida paris a sa carta de imbarcu e a unu documentu de identidade bàlidu.

A in intro de sa registrazione subra narada at a pòdere èssere insertada puru cussa de sos minores a càrrigu chi biàgiant cun su sugetu dichiarante.

Sa cumpagnia aèrea o maritima, verificat, a manera preliminar a s'imbarcu, sa retzida de sa registratzione avènnida.

ART. 2) Totu sos sugetos in arrivu cun unidades de ispàssiu o cun ogni àtera unidade no impreada pro su tràficu passigeris, cumpresos sas barcas de piscare chi non siant iscritas a unu de sos Cumpartimentos maritimos de sa Regione o chi recuant a pustis de àere atracadu in portos a in foras de sa lìnia de costa regionale, sunt obligados a si registrare segundu sas modalidades prevididas in s'articulu 1 pretzedente. Sos cumandantes e/o sos armadores de sas unidades in antis naradas sunt obligados a verificare, a manera preliminar a s'imbarcu, su possu de sa retzida de registratzione avènnida, proibende s'imbarcu a sos sugetos non frunidos.

ART.3) Sos nominativos e sos recàpitos achisidos in cunforma a sos artìculos



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

pretzedentes, sunt tratados dae sa Regione Sardigna, in cunforma a s'articulu 5 de s'Ordinàntzia de su Capu de su Dipartimentu de sa Protetzione Tzivile n.630 de su 3 de freàrgiu de su 2020 e cunforma a su Regulamentu n.2016/679/UE, segundu mesuras apropiadas e proportzionadas a sa tutela de sos diritos e de sas libertades de sos interessados, sunt insertados in un database regionale apòsitu, costoidos pro 14 dies e impreados pro sas atziones de compidada de sos sugetos interessados, in collaboratzione cun sas forzas de s'òrdine, sos Comunes e sas Aziendas Sanitàrias cumpetentes a manera territoriale. Decursu su tèrmine subra indicadu, sos datos ant a èssere eliminados: sos datos personales non sanitàrios regortos in atuatzione de s'art. 1 ant a pòdere èssere costoidos dae s'amministratzione regionale pro finalidades istatísticas e informativas.

ART.4)

Pro mèdiu de sa piataforma segundu s'articulu 1, sos passigeris in arrivu podent dare atu de sa vatzinatzione avènnida (si intendet pro vatzinatzione avènnida de àere fatu ambas sas doses) e/o sutapositzione a s'esàmene diagnòsticu molecolare de su tampone nare-gula pro covid-19 e/o sutapositzione a s'esàmene de su tampone antigènicu, cun èsitu negativu esecutadu non prus a dae de sas 48 oras dae sa partèntzia.

Sos sugetos chi non siant istados vatzinados o chi non si siant sutapostos a su tampone prima de s'arrivu in Sardigna, ant a dèvere a borta a borta:

- a) Andare in sas àreas dedicadas in sos portos e aeroportos, pro si sutapònnere a su tampone lestru antigènicu. In casu de tampone antigènicu negativu, su sugetu podet andare a su domitziliu, cun sa racumanda de mantènnere sos dispositivos de protetzione individuale, evitare sos cuntatos cun tertzos e si sutapònnere torra a tampone antigènicu, dae unu dutore de fidùtzia pròpia, a sa de chimbe dies imbeniente a cussa de sutapositzione a su primu tampone. In casu de èsitu positivu, su sugetu at a dèvere sighire sas protzeduras ordinàrias prevididas dae sa normativa vigente pro sos casos Covid-19 positivos;
- b) andare, intro de 48 oras dae s'intrada in su territòriu regionale, in una istrutura autorizada (pùblica o privada acreditada) e si sutapònnere a su tampone molecolare, a ispesas pròpias, cun ònere pro s'istrutura matessi de nde dare comunicatzione a s'Azienda sanitària cumpetente a manera territoriale;
- c) si pònnere a manera obligatòria in isulamentu fidutziàriu, dae s'intrada in Sardigna pro sas deghe dies imbenientes, in su domitziliu pròpiu, cun ònere de nde dare comunicatzione a su dotore pròpiu de meighina generale, a su pediatra de sèberu liberu ossiat, pro sos non residentes, a s'Azienda sanitària cumpetente a manera territoriale pro su mèdiu de su nùmeru birde.



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

S'Assessoradu regionale de sa Sanidade, pro su mèdiu de sas aziendas sanitàrias e sos COR.SA, providit a dare esecutzione a s'articulu presente in acordu cun sas sotziedades de gestione aeroportuale, e puru cun s'autoridade de su sistema portuale de su mare de Sardigna.

ART.5) Pro totu cantu non disciplinadu a manera espressa dae s'ordinàntzia presente cun riferimentu a sas intradas in sa regione Sardigna, si faghet rinviiu espressu a su DPCM 2 de martzu de su 2021 e allegados relativos.

ART.6) Sas atividades dispostas dae s'ordinàntzia presente ant a èssere aviadas a fàghere data dae s'8 de martzu de su 2021 e finas a su 24 de martzu de su 2021.

Francu chi su fatu non constituat reatu prus grave, sa no osservàntzia de sos òbligos segundu s'ordinàntzia presente est santzionada comente pro lege (art.2 de su D.L. 33 de su 16 de maju de su 2020).

S'ordinàntzia presente benit trasmitida, segundu sas cumpetèntzias rispetivas, a su Presidente de su Consighiu de sos Ministros, a su Ministèriu de sas Infrastruturas e de sos Trasportos, a su Ministru de sa Salude, a sos Amministradores de sas Provìntzias de su territòriu regionale, a su Sindighu metropolitanu de Casteddu, a sos Sindigos de sos Comunes de sa Sardigna, a sos Prefetos de sos Ufìtzios territoriales de Governu de sa Sardigna, a sos Assessoros regionales, a s'Autoridade de su Sistema Portuale de su Mare de Sardigna, a sas cumpagnias marìtimas aèreas interessadas, sas sotziedades de gestione aeroportuale e a sos àteros sugetos interessados.

Contra a s'ordinàntzia presente est ammitidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN
SOLINAS
REGIONE
AUTÒNOMA DE SA
SARDIGNA -
SISTEMA REGIONE
05.03.2021
20:46:48 UTC